



Broj: 05/1-50-13-26-29-6/17
Sarajevo, 14. 2. 2017. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
DOM NARODA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO


PRIMLJENO: 14-02-2017			
Organizaciona jedinica	Klasifikaciona oznaka	Redni broj	Broj priloga
05/1-	50-19-	469/17	

PREDMET: Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2016. godinu

Poštovani,

U skladu sa članom 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH" broj 36/08) i članom 9. Poslovnika o radu Nezavisnog odbora kao nezavisnog tijela policijske strukture BiH ("Službeni glasnik BiH" broj 93/09) Nezavisni odbor je na 29. sjednici održanoj 13. 02. 2017. godine usvojio Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2016. godinu i dostavlja ga Parlamentarnoj skupštini BiH na usvajanje.

S poštovanjem,



Prilog: Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2016. godinu na bosanskom, hrvatskom i srpskom jeziku

Dostavljeno:

- Naslovu
- a/a

--



Broj: 05/1-50-13-26-29-4/17
Sarajevo, 13. 2. 2017. godine

IZVJEŠTAJ

**o radu Nezavisnog odbora Parlamentarne skupštine Bosne i Hercegovine kao
nezavisnog tijela policijske strukture Bosne i Hercegovine za 2016. godinu**

Februar 2016. godine

SADRŽAJ

POGLAVLJE I. UVODNE NAPOMENE	3
POGLAVLJE II. NADLEŽNOSTI NEZAVISNOG ODBORA	3
POGLAVLJE III. IZVRŠAVANJE ZADATAKA IZ NADLEŽNOSTI NEZAVISNOG ODBORA.....	4
Odjeljak A. Realizacija zadataka održavanjem redovnih sjednica Nezavisnog odbora.....	5
Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2016.	14
1. Posjeta Graničnoj policiji BiH 17.2.2016.	15
2. Posjeta Državnoj agenciji za istrage i zaštitu 14.3.2016.	16
3. Posjeta Ministarstvu sigurnosti BiH 29.6.2016.	18
4. Posjeta Graničnoj policiji BiH 14.9.2016.	18
5. Posjeta Direkciji za koordinaciju policijskih tijela BiH 16.11.2016.	20
6. Posjeta Državnoj agenciji za istrage i zaštitu 28.12.2016.	21
POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA.....	23
POGLAVLJE V. ADMINISTRATIVNO-TEHNIČKA PODRŠKA RADU.....	23
POGLAVLJE VI. PREPORUKE I ZAKLJUČCI.....	23

Na osnovu člana 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine i člana 9. tačka e) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor je na 29. sjednici, održanoj 13.2.2017., usvojio i Parlamentarnoj skupštini Bosne i Hercegovine podnosi sljedeći

I Z V J E Š T A J

o radu Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2016. godinu

POGLAVLJE I. UVODNE NAPOMENE

Nezavisni odbor osnovan je Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), kao nezavisno tijelo Parlamentarne skupštine BiH.

Nezavisni odbor ima devet članova koji su imenovani na mandat od četiri godine odlukom Parlamentarne skupštine BiH ("Službeni glasnik BiH", broj 20/14), i to:

1. Žiko Krunić, predsjednik Nezavisnog odbora,
2. Enes Obralića, prvo zamjenik predsjednika Nezavisnog odbora,
3. Mato Jozić, drugi zamjenik predsjednika Nezavisnog odbora,
4. Adisa Begić, članica Nezavisnog odbora,
5. Ilma Mehić-Jusufović, članica Nezavisnog odbora,
6. Nikola Džambas, član Nezavisnog odbora,
7. Mate Miletić, član Nezavisnog odbora,
8. Ljubomir Kuravica, član Nezavisnog odbora,
9. Miroslav Škorić, član Nezavisnog odbora.

Dopisom broj: 05/1,01,02-34-1-3736/16, od 14.12.2016., predsjednik Nezavisnog odbora Žiko Krunić podnio je neopozivu ostavku na članstvo u Nezavisnom odboru.

POGLAVLJE II. NADLEŽNOSTI NEZAVISNOG ODBORA

Nezavisni odbor je, u skladu sa Zakonom o nezavisnim i nadzornim tijelima policijske strukture BiH i Poslovnikom o radu Nezavisnog odbora, nadležan za provođenje

procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijava kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH, ako su počinili krivično djelo, osim za krivična djela iz oblasti sigurnosti saobraćaja, ili ako počine tešku povredu službene dužnosti, kao i u slučaju ako utvrdi da ne postižu odgovarajuće rezultate, razmatranje pritužbi na rad rukovodilaca i zamjenika rukovodilaca policijskih tijela BiH i obavještanje o tome ministra sigurnosti BiH i Vijeća ministara BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, obradu podataka i vođenje evidencije u skladu sa zakonom i drugim propisima i ostale poslove propisane zakonom, Poslovnikom o radu i drugim propisima.

POGLAVLJE III. IZVRŠENJE ZADATAKA IZ NADLEŽNOSTI NEZAVISNOG ODBORA

Osnovna nadležnost Nezavisnog odbora je provođenje procesa odabira kandidata za rukovodioce i zamjenike rukovodilaca policijskih tijela BiH, te u vezi s tim objavljivanje javnih konkursa i razmatranje prijava kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH.

Nezavisni odbor je u toku 2016. godine redovno održavao komunikaciju s rukovodiocima policijskih agencija po svim bitnim pitanjima iz njihovog djelokruga, s posebnim naglaskom na aktivnosti koje su policijska tijela preduzimala u vezi s događanjima koja su izazivala veću medijsku pažnju.

Osim ove nadležnosti, Nezavisni odbor nadležan je i za predlaganje smjenjivanja rukovodilaca i zamjenika rukovodilaca policijskih tijela BiH, iniciranje pokretanja disciplinskih postupaka protiv rukovodilaca policijskih agencija BiH. Potrebno je naglasiti da je tokom 2016. godine Nezavisni odbor imao jednu inicijativu za smjenu i inicijativu za pokretanje disciplinskog postupka direktora Direkcije za koordinaciju policijskih tijela BiH, kao i jednu pritužbu na rad direktora Granične policije BiH.

Odjeljak A. Realizacija zadatka održavanjem redovnih sjednica Nezavisnog odbora

U izvještajnom periodu Nezavisni odbor održao je 12 (dvanaest) redovnih sjednica, na kojima su ukupno obrađene 52 tačke dnevnog reda i 16 zaključaka

Broj i datum održavanja sjednice	Broj razmatranih tačaka dnevnog reda na sjednici	Broj prisutnih članova sjednicama Nezavisnog odbora	Broj članova koji nisu bili prisutni sjednicama Nezavisnog odbora	Zakazivane pa otkazivane sjednice iz objektivnih razloga
16. / 10.2.2016.	4	7	2	29. 1. 2016.
17. / 3.3.2016.	6	9	0	
18. / 30.3.2016.	4	8	1	
19. / 19.4.2016.	4	8	1	
20. / 11.5.2016.	4	9	0	
21. / 29.6.2016.	4	9	0	
22. / 21.7.2016.	4	9	0	
23. / 30.8.2016.	3	9	0	
24. / 14.9.2016.	4	8	1	
25. / 20.10.2016.	6	9	0	
26. / 16.11.2016.	5	7	2	
27. / 7.12.2016.	4	9	0	

Nezavisni odbor je na sjednicama razmatrao pitanja iz svoje nadležnosti, od kojih izdvajamo:

Na sjednici Nezavisnog odbora, održanoj 10.2.2016., razmatran je Prijedlog izvještaja o radu Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2015. godinu koji je nakon rasprave jednoglasno usvojen.

Također, razmatrana je Informacija Granične policije BiH o Prjedlogu odluke o utvrđivanju Plana prijema kadeta za 2016. godinu. Naime, Granična policija BiH tražila je, i u budžetu za 2016. planirala prijem 100 kadeta u činu “policajac“ i 20 u činu „mladi inspektor“ (100+20).

Planirani broj prijema kadeta Ministarstvo sigurnosti BiH je zbog ograničenosti smještajnih kapaciteta Agencije za školovanje i stručno usavršavanje kadrova umanjilo na 65+10 da bi Ministarstvo finansija i trezora BiH broj kadeta u činu „policajac“ dodatno smanjilo na 50. Članovi Nezavisnog odbora jednoglasno su donijeli

ZAKLJUČAK

Zadužuju se članovi Nezavisnog odbora Mato Jozić, Miroslav Škorić i Adisa Begić da posjete Graničnu policiju BiH i prije održavanja sljedeće sjednice izvijeste Nezavisni odbor o dopisu Granične policije BiH upućenom Nezavisnom odboru.

Na ovoj sjednici članovi Nezavisnog odbora su na prijedlog članice Adise Begić jednoglasno donijeli

ZAKLJUČAK

Nezavisni odbor uputit će zahtjev Državnoj agenciji za istrage i zaštitu za dostavu informacije koja se odnosi na postupanje ovlaštenih službenih lica Državne agencije za istrage i zaštitu, odnosno na njihov ulazak u prostorije redakcije Dnevnog avaza 25.1.2016.

Na sjednici Nezavisnog odbora, održanoj 3.3.2016., razmatran je i jednoglasno usvojen Izvještaj o posjeti Nezavisnog odbora Graničnoj policiji BiH koja je realizirana 17.2.2016.

Razmatrana je i Informacija koju je na zahtjev Nezavisnog odbora dostavilo Tužilaštvo BiH u kojoj je navedeno da se ne vodi istraga protiv direktora Direkcije za koordinaciju policijskih tijela BiH Mirsada Vilića. Dogovoreno je da se do naredne sjednice uradi transkript razgovora članova Nezavisnog odbora s direktorom Direkcije za koordinaciju policijskih tijela Mirsadam Vilićem koji je bio pozvan na 8. sjednicu Nezavisnog odbora i transkript razgovora članova Nezavisnog odbora sa zamjenicima direktora Direkcije za koordinaciju policijskih tijela BiH Urošem Penom i Miletom Jurićem koji su bili pozvani na 10. sjednicu Nezavisnog odbora. Također, na prijedlog Ljubomira Kuravice, člana Nezavisnog odbora, dogovoreno je da se od Direkcije za koordinaciju policijskih tijela BiH zatraži informacija o tome da li je u Direkciji za koordinaciju policijskih tijela BiH proveden postupak utvrđivanja eventualne odgovornosti policijskih službenika Direkcije za koordinaciju policijskih tijela BiH koji su bili zaduženi za osiguranje premijera Republike Srbije Aleksandra Vučića i svih drugih visokih zvanica prisutnih na komemoraciji u Memorijalnom centru Potočari 11.7.2015., te je jednoglasno donesen

ZAKLJUČAK

Da se na osnovu dobivene informacije od Direkcije za koordinaciju policijskih tijela BiH, transkripta razgovora s direktorom i zamjenicima direktora Direkcije za koordinaciju policijskih tijela BiH i Izvještaja Ministarstva sigurnosti BiH o događajima u Srebrenici ovo pitanje ponovo razmatra na jednoj od narednih sjednica.

Dalje, članovi Nezavisnog odbora razmatrali su i Informaciju Državne agencije za istrage i zaštitu koja se odnosi na postupanje ovlaštenih službenih lica Državne agencije za istrage i zaštitu, odnosno njihov ulazak u prostorije redakcije Dnevnog avaza 25.1.2016. za koju je prethodno pristigla pritužba Avaz-roto pressa. S obzirom na to da je informacija imala oznaku POVJERLJIVO – INTERNO i da je predata nadležnoj komisiji Parlamentarne skupštine BiH koja je ovlaštena i certificirana od državnog sigurnosnog organa za čuvanje tajnih podataka u Parlamentarnoj skupštini BiH, članovi Nezavisnog odbora su se naknadno upoznawali o njoj u prostorijama nadležne komisije. Dogovoreno je da članovi Nezavisnog odbora posjete Državnu agenciju za istrage i zaštitu radi pribavljanja dodatnih informacija u vezi s ovim predmetom i da se na osnovu pritužbe Avaz-roto pressa i Informacije koju je dostavila Državna agencija za istrage i zaštitu ovo pitanje razmatra ponovo na jednoj od narednih sjednica.

Na sjednici Nezavisnog odbora, održanoj 30.3.2016., razmatrana je inicijativa za smjenu direktora Direkcije za koordinaciju policijskih tijela Mirsada Vilića koju je Nezavisnom odboru uputio ministar sigurnosti BiH. Inicijativa za smjenu direktora nije dobila potrebnu većinu pa je Miroslav Škorić, član Nezavisnog odbora, predložio da se danas uputi inicijativa za disciplinski postupak direktora Direkcije za koordinaciju policijskih tijela BiH. Ni ovaj prijedlog nije dobio potrebnu većinu, ali su se članovi Nezavisnog odbora dogovorili, na prijedlog Enesa Obraliće, da se inicijativa za pokretanje disciplinskog postupka protiv direktora Direkcije za koordinaciju policijskih tijela BiH ponovo razmatra na sljedećoj sjednici.

Razmatrana je i pritužba Avaz-roto pressa u vezi s ulaskom specijalne jedinice Državne agencije za istrage i zaštitu u redakciju Dnevnog avaza i Informacija Državne agencije za istrage i zaštitu po tom pitanju, nakon čega su članovi Nezavisnog odbora jednoglasno donijeli sljedeće

ZAKLJUČKE

1. S obzirom na to da Državna agencija za istrage i zaštitu u obavljanju poslova iz svoje nadležnosti odgovara za zakonitost, svrsishodnost i sigurnost izvršenja operativnih radnji, nužno je da i ima potpunu samostalnost u procjenjivanju na koji način i upotrebom kojih sredstava će te ciljeve ostvariti, što važi i u predmetnom slučaju.
2. Analizom činjenica, na koje je ukazano u izvještaju dostavljenom od Državne agencije za istrage i zaštitu i pritužbe Avaz roto pressa, može se zaključiti da nije bilo nesrazmjera u korištenju ljudskih i tehničkih sredstava niti je na bilo koji način izvršen uticaj na novinarske slobode izražavanja u toj medijskoj kući.
3. Međutim, samo prikazivanje u javnosti pripadnika specijalne jedinice Državne agencije za istrage i zaštitu s dugim cijevima u službenim prostorijama dnevnog lista Dnevni avaz moglo je u javnosti nepotrebno stvoriti utisak pritiska na slobodu medija, a u suštini nije riječ o takvoj situaciji, o čemu treba voditi računa u budućnosti.

Također, članovi Nezavisnog odbora vodili su raspravu i o neusvajanju Izvještaja o radu Nezavisnog odbora za 2015. godinu i Plana rada Nezavisnog odbora za 2016. godinu na Zajedničkoj komisiji za odbranu i sigurnost BiH, te jednoglasno donijeli zaključak koji je upućen kolegijima oba doma Parlamentarne skupštine BiH:

“Uz puno uvažavanje i poštivanje funkcije poslanika i delegata – članova Zajedničke komisije za odbranu i sigurnost BiH - Nezavisni odbor kao nezavisno tijelo policijske strukture BiH smatra da je neusvajanje, to jeste davanje negativnog mišljenja na Izvještaj Nezavisnog odbora o radu za 2015. godinu i Plan rada za 2016. godinu neopravdano i ne doprinosi stvaranju ukupnog pozitivnog ambijenta za nezavisnu poziciju ovog parlamentarnog tijela u obavljanju zakonom propisanih funkcija.”

Članovi Nezavisnog odbora usvojili su i zaključke koje su uputili kolegijima oba doma Parlamentarne skupštine BiH, a u vezi s radom Privremene zajedničke komisije oba doma Parlamentarne skupštine BiH za preispitivanje rada Nezavisnog odbora Parlamentarne skupštine BiH:

1. Predstavnički dom PSBiH svojim aktom broj: 01-50-1-15-17/15, od 16.9.2015., a Dom naroda aktom broj: 02-50-6-16-10/15, od 14.10.2015., usvojili su Izvještaj o radu Nezavisnog odbora za 2014. godinu, pa ponovno bavljenje pitanjima iz usvojenog izvještaja ne doprinosi stvaranju ukupnog, to jeste pozitivnog ambijenta za nezavisnu poziciju Nezavisnog odbora u obavljanju zakonom propisanih nadležnosti.

2. Nezavisni odbor blagovremeno je preduzeo aktivnosti prema Instituciji ombudsmena za ljudska prava BiH u vezi s predstavkom Svelada Hoffmanna, kao i prema Komisiji za sukob interesa, tako što su od stručne službe dostavljeni podaci za sve članove Nezavisnog odbora, o čemu u prilogu dostavljamo naznačene dokumente (odgovor u vezi s predmetom Hoffmann i dopis Komisiji za sukob interesa).

3. Eventualni prijedlog Privremene zajedničke komisije oba doma Parlamentarne skupštine BiH za preispitivanje rada Nezavisnog odbora Parlamentarne skupštine BiH za smjenu članova Nezavisnog odbora ne bi bio u skladu s odredbom iz člana 5. stav (5) Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08).

4. Samo preispitivanje nezavisnosti u obavljanju dužnosti, bez prethodno utvrđenih mjerila za pojam nezavisnosti, može biti shvaćeno nesaglasno s autonomnom slobodom člana Nezavisnog odbora da promišlja i odlučuje o svakom pitanju slobodno, u punom smislu te riječi.

Na sjednici Nezavisnog odbora, održanoj 19.4.2016., razmatran je i jednoglasno usvojen Izvještaj o posjeti Nezavisnog odbora Državnoj agenciji za istrage i zaštitu, koja je realizirana 14.3.2016.

Razmatrana je i inicijativa za pokretanje disciplinskog postupka protiv direktora Direkcije za koordinaciju policijskih tijela BiH koju je Nezavisnom odboru uputio ministar sigurnosti BiH. Inicijativa nije dobila potrebnu većinu.

Dalje, predsjednik Nezavisnog odbora Žiko Krunić je, u skladu s članom 7. stav (1) tačka b) Zakona o nezavisnim i nadzornim tijelima policijske strukture BiH i članom 9. tačka b) Poslovnika o radu Nezavisnog odbora, predložio izmjene Poslovnika o radu Nezavisnog odbora, a sve s ciljem otklanjanja blokade u radu ovog tijela.

Izmjene bi se odnosile na član 16. Poslovnika o radu Nezavisnog odbora, i to:

Stav (1) Policijski rukovodilac ili zamjenik rukovodioca policijskog tijela BiH ne može biti suspendiran ili smijenjen bez prethodnog prijedloga Nezavisnog odbora, **osim u slučaju iz stava (3) ovog člana (stav (3) je novi stav).**

Stav (2) ostaje neizmijenjen.

Dodaje se stav (3) koji glasi: „U slučaju da Nezavisni odbor ne usvoji ponovljenu inicijativu za suspenziju ili smjenu koju je podnio ministar sigurnosti, Odbor je dužan u primjerenom roku, ne dužem od 15 dana, inicijativu ministra proslijediti Vijeću ministara BiH na nadležni

postupak i odlučivanje, uz obrazloženo izjašnjenje koje ne obavezuje Vijeće ministara prilikom donošenja odluke.“

Dosadašnji stav (3) ovog člana postaje stav (4), a stav (4) postaje stav (5), dok se dosadašnji stav (5) briše.

Prijedlog izmjena Poslovnika nije dobio potrebnu većinu.

Na sjednici Nezavisnog odbora, održanoj 11.5.2016., razmatrana je pritužba Svelada Hoffmanna na rad zamjenika direktora Granične policije BiH. Razmatran je i dopis direktora i zamjenika direktora Granične policije BiH koji su se na zahtjev Nezavisnog odbora očitovali na navode iz pritužbe. Uzimajući u obzir sve navode, jednoglasno je usvojen

ZAKLJUČAK

Pritužba Svelada Hoffmanna na rad zamjenika direktora Granične policije BiH je neosnovna i kao takva se i odbacuje, o čemu će podnosilac pritužbe biti pismeno obaviješten.

Također, razmatrana je Informacija Tužilaštva BiH, dostavljena od Ministarstva sigurnosti BiH, u kojoj se navodi da je donesena naredba u provođenju istrage između ostalih i protiv Đure Kneževića, zamjenika direktora Državne agencije za istrage i zaštitu, te je dogovoreno da se na sljedeću sjednicu Nezavisnog odbora pozovu direktor i zamjenik direktora Državne agencije za istrage i zaštitu s kojima će razgovarati o ovoj temi.

Na sjednici Nezavisnog odbora, održanoj 29.6.2016., ponovo je razmatrana Informacija Tužilaštva BiH, dostavljena od Ministarstva sigurnosti BiH, na koju je po dogovoru s prošle sjednice pozvan zamjenik direktora Državne agencije za istrage i zaštitu Đuro Knežević. Nakon obavljenog razgovora članova Nezavisnog odbora sa zamjenikom direktora dogovorili su da će na prvoj sljedećoj sjednici obaviti razgovor o ovom pitanju i s direktorom Državne agencije za istrage i zaštitu Pericom Stanićem, koji zbog službenog odsustva nije bio u prilici doći na sjednicu.

Također, na sjednicu su bili pozvani i direktor i zamjenici direktora Direkcije za koordinaciju policijskih tijela BiH kako bi s članovima Nezavisnog odbora razmijenili informacije u vezi s pripremama pred obilježavanje 21. godišnjice stradanja u Srebrenici, sa sigurnosnog aspekta. Pozivu su se odazvali Mile Jurić i Uroš Pena, zamjenici direktora, koji su obavijestili članove Nezavisnog odbora da se sve pripreme u vezi s organizacijom ovog događaja odvijaju po planu, navodeći da imaju korektnu saradnju sa svim policijskim agencijama u BiH u pogledu

osiguranja ovog skupa. Zaključeno je da će članovi Nezavisnog odbora uskoro obaviti razgovor i s direktorom Direkcije za koordinaciju policijskih tijela BiH po ovom pitanju koji je bio opravdano spriječen da prisutvuje sjednici.

Dalje, na prijedlog Miroslava Škorića, otvoreno je pitanje noćenja članova Nezavisnog odbora u Sarajevu uoči ili na sam dan održavanja sjednica Nezavisnog odbora. Dogovoreno je da se uputi dopis Zajedničkoj komisiji za administrativne poslove da im se izade u susret s obzirom na to da su neki članovi Nezavisnog odbora s mjestom prebivališta udaljenim više od dvije stotine kilometara od Sarajeva, a u Odluci o naknadama za rad u Nezavisnom odboru i Odboru za žalbe građana nije regulirano to pitanje.

Sjednici Nezavisnog odbora, održanoj 21.7.2016., prisustvovao je direktor Državne agencije za istrage i zaštitu Perica Stanić koji je s članovima Nezavisnog odbora razgovarao o nekoliko tema, o suspenziji policijskih službenika u Državnoj agenciji za istrage i zaštitu i problema koji su nastali iz toga, o izradi novog zakona o policijskim službenicima BiH, o nacionalnoj zastupljenosti zaposlenih u Državnoj agenciji za istrage i zaštitu, o saradnji s drugim policijskim agencijama te drugim pitanjima iz domena rada Državne agencije za istrage i zaštitu.

Razmatran je i jednoglasno usvojen Izvještaj sa sastanka članova Nezavisnog odbora s ministrom sigurnosti BiH Draganom Mektićem koji je održan 29.6.2016.

Na sjednici Nezavisnog odbora, održanoj 30.8.2016., razmatran je i primljen k znanju Izvještaj o komemorativnom skupu u Srebrenici od 11.7.2016., koji je na zahtjev Nezavisnog odbora dostavila Direkcija za koordinaciju policijskih tijela BiH.

Na sjednici Nezavisnog odbora, održanoj 14.9.2016., razmatrani su izvještaji o finansijskoj reviziji Granične policije BiH, Državne agencije za istarge i zaštitu i Direkcije za koordinaciju policijskih tijela BiH koje je na zahtjev Nezavisnog odbora dostavio Ured za reviziju institucija BiH. Izvještaji su zatraženi od Ureda za reviziju institucija BiH kako bi se članovi Nezavisnog odbora upoznali s njima i vidjeli da li eventualno ima nešto što bi bilo predmet postupanja Nezavisnog odbora. Članovi Nezavisnog odbora jednoglasno su usvojili

ZAKLJUČAK

Potrebno je da navedene policijske agencije u što kraćem roku informiraju Nezavisni odbor o preduzetim aktivnostima na realizaciji preporuka datih u Izvještaju Ureda za reviziju

institucija BiH o finansijskoj reviziji za 2015. godinu, s posebnim osvrtom na aktivnosti koje se odnose na potpisivanje sporazuma s Agencijom za policijsku podršku BiH, a s ciljem provođenja zajedničkih nabavki za određenu opremu za policijska tijela.

Na sjednici Nezavisnog odbora, održanoj 20.10.2016., razmatran je Zaključak s 29. sjednice Zajedničke komisije za odbranu i sigurnost Bosne i Hercegovine koja je obavila raspravu o prispjelim pritužbama na rad Nezavisnog odbora Parlamentarne skupštine BiH koje je uputio Svevlad Hoffmann i dostavila Nezavisnom odboru kako bi ih Nezavisni odbor razmotrio i o tome ih informirao. S obzirom na to da se pritužba odnosila na imenovanje direktora Granične policije BiH, a razmatran je i Zahtjev Državne agencije za istrage i zaštitu koja je Nezavisnom odboru uputila zahtjev Tužilaštva BiH kojim se traži da se dostavi ovjerena kopija dokumentacije koju je Zoran Galić poslao u prijavi na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine za poziciju direktora Granične policije, članovi Nezavisnog odbora jednoglasno su donijeli odluku da se Državnoj agenciji za istrage i zaštitu dostavi sva tražena dokumentacija, a da će Zajedničku komisiju za odbranu i sigurnost BiH obavijestiti o preduzetim aktivnostima Nezavisnog odbora i radnjama koje obavljaju nadležne institucije.

Također, razmatrana je i primljena k znanju Informacija Direkcije za koordinaciju policijskih tijela BiH o preduzetim aktivnostima po nalogu Ureda za reviziju institucija BiH koja je dostavljena na zahtjev Nezavisnog odbora.

Razmatran je i jednoglasno usvojen Izvještaj o posjeti članova Nezavisnog odbora Graničnoj policiji BiH koja je održana 14.9.2016.

Na sjednici Nezavisnog odbora, održanoj 16.11.2016., razmatrana je i primljena k znanju Informacija Granične policije BiH o preduzetim aktivnostima po nalogu Ureda za reviziju institucija BiH koja je dostavljena na zahtjev Nezavisnog odbora.

Razmatrane su i predstavke izvjesnog D.P., policijskog službenika Granične policije BiH, a koje ukazuju na krijumčarenje cigareta iz Bosne i Hercegovine za Republiku Hrvatsku. Članovi Nezavisnog odbora su o ovom pitanju jednoglasno donijeli odluku da se predstavke prosljede Graničnoj policiji BiH kako bi se očitovali o njima i o tome obavijestili Nezavisni odbor.

Na sjednici Nezavisnog odbora, održanoj 7.12.2016., razmatran je Zahtjev Svevlada Hoffmanna da mu se, u skladu s članom 11. Zakona o slobodi pristupa informacijama u BiH, dostavi informacija i uvid u određenu dokumentaciju kojom se Zoran Galić, aktuelni direktor Granične policije BiH, prijavio na Javni konkurs za provođenje procedure odabira kandidata za izbor direktora i zamjenika direktora policijskih tijela BiH. Razmatrana je i Molba za dostavljanje podataka po istom zahtjevu od službenika za informiranje Parlamentarne skupštine BiH Zlatka Vukmirovića, koji, u skladu s članom 19. Zakona o slobodi pristupa informacijama u BiH, obrađuje zahtjeve i dostavlja ih podnosiocu zahtjeva te je jednoglasno donesena odluka da se službeniku za informiranje Parlamentarne skupštine BiH uputi dopis u kojem ga obavještavaju da se traženi uvid u dokumente nalazi u arhivi Parlamentarne skupštine BiH, te da je po navedenom zahtjevu neophodno donijeti rješenje za šta je ovlašten, prilikom čega je neophodno uvažiti činjenicu da je Nezavisni odbor predmetnu dokumentaciju već dostavio nadležnim pravosudnim organima.

Razmatran je i jednoglasno usvojen Izvještaj o posjeti članova Nezavisnog odbora Direkciji za koordinaciju policijskih tijela BiH koja je održana 16.11.2016. Na prijedlog člana Nezavisnog odbora Miroslava Škorića razmatran je i objavljeni natpis u novinama Euroblic od 1.12.2016. u kojem je prenesen stav poslanice iz Predstavničkog doma Parlamentarne skupštine BiH gdje je navedeno nekoliko netačnih navoda i podataka, a u vezi s naknadama za rad u Nezavisnom odboru. Naime, u navedenom tekstu poslanica je navela da članovi Nezavisnog odbora primaju naknade za rad od po 1.500 KM, što nije tačno. Prema Odluci o naknadama za rad u Nezavisnom odboru, članovima Nezavisnog odbora pripada naknada u mjesečnom iznosu od jedne osnovice za obračun plaće zaposlenim u institucijama BiH, a to je cca 475 KM. Članovi Nezavisnog odbora jednoglasno su donijeli

ZAKLJUČAK

Radi tačnog informiranja javnosti, potrebno je da se na internetskoj stranici Parlamentarne skupštine BiH, u dijelu Sektor za druga parlamentarna tijela - Nezavisni odbor Parlamentarne skupštine BiH, postavi informacija koja glasi: „U skladu s Odlukom o naknadama za rad u Nezavisnom odboru i Odboru za žalbe građana, broj: 03/5-50-14-11-11,10/16, od 14.6.2016.:
- članovima Nezavisnog odbora utvrđuje se naknada u mjesečnom iznosu od jedne osnovice za obračun plaće zaposlenim u institucijama BiH;
- ako u toku mjeseca nije održana nijedna sjednica ili ako član ne prisustvuje nijednoj sjednici, nema pravo na naknadu;

- članovi Nezavisnog odbora imaju pravo na naknadu putnih troškova za dolazak na sjednice u visini pojedinačne karte od mjesta prebivališta do mjesta održavanja sjednice i nazad, po svakom dolasku na sjednicu;

- članovi Nezavisnog odbora koji su zaposleni u institucijama koje se finansiraju iz budžeta institucija BiH, Federacije BiH, Republike Srpske, Brčko Distrikta BiH i kantona, izuzimajući visokoškolske ustanove, nemaju pravo na naknadu ako su radili u toku radnog vremena.

U skladu sa Zaključkom Zajedničke komisije za administrativne poslove Parlamentarne skupštine BiH, broj: 03/5-50-14-11-13,2d/16, od 29.8.2016., članovi Nezavisnog odbora nemaju pravo na naknadu za noćenje.“

Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2016. godinu

Planom rada Nezavisnog odbora za 2016. godinu predviđeno je održavanje pojedinačnih sastanaka s rukovodstvom Direkcije za koordinaciju policijskih tijela BiH, Državne agencije za istrage i zaštitu i Granične policije BiH. Osnovni cilj ovih sastanaka je uvid u rad i upoznavanje s problemima s kojima se u radu susreću rukovodioci policijskih agencija BiH. Nezavisni odbor obavlja zadatke iz svoje nadležnosti i putem izvještaja o radu koji dostavlja Parlamentarnoj skupštini BiH na razmatranje i usvajanje informira je i o problemima u radu policijskih agencija BiH iz svoje nadležnosti.

Nezavisni odbor je u 2016. godini, u skladu s članom 18. Poslovnika o radu Nezavisnog odbora i Planom rada Nezavisnog odbora za 2016. godinu obavio posjetu:

Posjete	Datum posjeta
Graničnoj policiji BiH	17.2.2016.
Državnoj agenciji za istrage i zaštitu	14.3.2016.
Ministarstvu sigurnosti BiH	29.6.2016.
Graničnoj policiji BiH	14.9.2016.
Direkciji za koordinaciju policijskih tijela BiH	16.11.2016.
Državnoj agenciji za istrage i zaštitu	28.12.2016.

1. Posjeta Graničnoj policiji BiH, 17.2.2016.

Sastanak članova Nezavisnog odbora kao nezavisnog tijela policijske strukture BiH s direktorom Granične policije BiH Zoranom Galićem, zamjenikom direktora Granične policije BiH Zijadom Srabovićem i pomoćnikom direktora za organizaciju i operacije Slobodanom Krstićem održan je 17.2.2016. u prostorijama Granične policije BiH. U ime Nezavisnog odbora sastanku su prisustvovali Mato Jozić, drugi zamjenik predsjednika Nezavisnog odbora, Adisa Begić i Miroslav Škorić, članovi Nezavisnog odbora, te Ivana Lovrić, sekretar Nezavisnog odbora.

Direktor Granične policije Zoran Galić istakao je da je najveći problem Granične policije BiH kadrovska nepopunjenost jer u ovom trenutku nedostaju 564 policijska službenika. Dodatni problem nastao je i kad je u novembru i decembru 2015. godine 40 policijskih službenika podnijelo zahtjev za penzionisanje. Sve ovo može imati velike posljedice na funkcioniranje Granične policije BiH, jer već sada na nekim graničnim prijelazima nije moguće organizirati smjene.

Također, veoma veliki problem je i to što policijska akademija u Mostaru ima smještajni kapacitet za 143 kadeta za tri policijske agencije (Granična policija BiH, Državna agencija za istrage i zaštitu i Direkcija za koordinaciju policijskih tijela BiH), a potrebno je 300, pa je prijedlog bio da se kadeti preraspodijele na akademiju na Vraca (Sarajevo) i Banju Luku, ali nije dobio podršku.

U svrhu pronalaska rješenja postoji dogovor između ministra sigurnosti BiH, direktora Državne agencije za istrage i zaštitu, direktora Granične policije BiH i direktora Direkcije za koordinaciju policijskih tijela BiH o izmjeni Zakona o policijskim službenicima o eksternom prijemu policijskih službenika na svim niovima. To znači da bi se preraspodjelom policijskih službenika iz drugih agencija, kada se za to ukaže potreba, donekle riješio problem.

Galić je naglasio da je u međuvremenu Vijeće ministara BiH prihvatilo Odluku o utvrđivanju Plana prijema kadeta u 2016. godini prema kojoj će Granična policija BiH u ovoj godini moći primiti 150 kadeta u činu „policajac“ i 20 u činu „mlađi inspektor“ pa je planirano da se za otprilike mjesec dana raspiše konkurs, obavi selekcija i do 1.9.2016. Akademija počne raditi. Naglasio je i da je veoma teško napraviti selekciju jer na konkurs uvijek pristigne između sedam i devet hiljada prijava.

Ono što je vrlo bitno naglasiti je i to da Granična policija BiH od 2010. godine nije primala nove kadete, a planom Granične policije BiH ih je za svaku godinu planirano 100 i 20 mladih inspektora.

Drugi zamjenik predsjednika Nezavisnog odbora Mato Jozić osvrnuo se još i na migrantsku krizu u Evropi i regionu kao i na Sporazum o međusobnom pružanju pomoći i operativnoj saradnji agencija za provođenje zakona koji je potpisan između Direkcije za koordinaciju policijskih tijela BiH, Državne agencije za istrage i zaštitu, Granične policije BiH, Federalnog ministarstva unutrašnjih poslova – Federalna uprava policije i Ministarstva unutrašnjih poslova Kantona Sarajevo na području Kantona Sarajevo. Jozić smatra da sporazum koji je potpisan na državnom nivou, a važi samo za određenu teritoriju, može imati posljedice, što potvrđuje i događaj u Srebrenici 11.7.2015.

Direktor Granične policije BiH Galić istakao je da i on ima slično mišljenje te da je Granična policija BiH imala stav da takav sporazum ne potpisuje jer je saradnja već definirana u članu 18. Zakona o Graničnoj policiji.

Zamjenik direktora Granične policije BiH Zijad Srabović je, također, naglasio da bi, osim izmjena Zakona o policijskim službenicima o eksternom premještanju, još jedna izmjena bila veoma značajna, a to je da se izmijeni član u vezi s internim premještanjem policijskih službenika gdje bi rukovodilac mogao premjestiti policijskog službenika 80 kilometara i više na četiri godine, a ne na jednu godinu kao što je to sada.

Galić je želio naglasiti i da je napravljena analiza trenutnog stanja u Graničnoj policiji BiH i da se polako krenulo u određene reforme kako bi bili što funkcionalniji i profesionalniji. Nastoji se smanjiti broj rukovodećih službenika, a povećati broj službenika na terenu. U planu je, također, da se od četiri nivoa rukovođenja izbacij jedan.

Ono čime su nezadovoljni je operativni plan. Svaki regionalni centar trebalo bi da ima svoju operativnu bazu, što sada nije tako.

2. Posjeta Državnoj agenciji za istrage i zaštitu, 14.3.2016.

Sastanak članova Nezavisnog odbora Parlamentarne skupštine BiH kao nezavisnog tijela policijske strukture BiH s direktorom Državne agencije za istrage i zaštitu Pericom Stanićem i zamjenikom direktora Državne agencije za istrage i zaštitu Đurom Kneževićem održan je 14.3.2016. u prostorijama Državne agencije za istrage i zaštitu. U ime Nezavisnog odbora sastanku su prisustvovali Enes Obralića, prvi zamjenik predsjednika Nezavisnog odbora,

Mate Miletić i Ljubomir Kuravica, članovi Nezavisnog odbora, te Ivana Lovrić, sekretar Nezavisnog odbora.

Prvi zamjenik predsjednika Nezavisnog odbora Enes Obralića u razgovoru s rukovodstvom Državne agencije za istrage i zaštitu istakao je da su članovi Nezavisnog odbora razmatrali pritužbu Avaz-roto pressa, a u vezi s ulaskom specijalne jedinice Državne agencije za istrage i zaštitu u redakciju Dnevnog avaza, te da je dogovoreno da će članovi Nezavisnog odbora posjetiti Državnu agenciju za istrage i zaštitu radi pribavljanja dodatnih informacija o ovom događaju. Naglašeno je i to da je prije nego što je upućena pritužba od Avaz-roto pressa Nezavisni odbor zatražio, a Državna agencija za istrage i zaštitu, dostavila pismenu informaciju o spomenutim događajima u kojoj su detaljno navedene sve radnje i postupci koje su provodila ovlaštena službena lica, a po naredbi Suda i Tužilaštva BiH.

Direktor Državne agencije za istrage i zaštitu Perica Stanić naglasio je da je po zakonu i internim pravilima Agencije kada se izvršavaju službeni zadaci, kao i zbog dizanja tenzija u medijima, dao vrlo kratku izjavu za javnost. Također, naglasio je da je po njegovom nalogu Ured za unutrašnju kontrolu Državne agencije za istrage i zaštitu odmah proveo postupak utvrđivanja činjenica u vezi s realizacijom naredbe Suda i Tužilaštva BiH i angažiranja pripadnika specijalne jedinice Državne agencije za istrage i zaštitu i da su u svom izvještaju utvrdili da su službenici Državne agencije za istrage i zaštitu postupili u skladu sa zakonom.

Osvrnuli su se i na suspenziju 11 samostalnih inspektora, prilikom čega je direktor Perica Stanić naglasio da je najveći problem za Državnu agenciju za istrage i zaštitu u ovom trenutku manjak rukovodećih službenika jer se radno mjesto suspendiranih policijskih službenika ne može popuniti.

Rukovodstvo Državne agencije za istrage i zaštitu istaklo je potrebu donošenja novog zakona o policijskim službenicima BiH ili barem njegovih izmjena i dopuna za koje je Državna agencija za istrage i zaštitu već uputila intervencije u smislu suspenzija i eksternog premještanja policijskih službenika. U vezi sa izmjenama Zakona o policijskim službenicima, postoji dogovor između ministra sigurnosti BiH, direktora Državne agencije za istrage i zaštitu, direktora Granične policije BiH i direktora Direkcije za koordinaciju policijskih tijela BiH o eksternom prijemu policijskih službenika na svim nivoima.

3. Posjeta Ministarstvu sigurnosti BiH, 29.6.2016.

Sastanak članova Nezavisnog odbora Parlamentarne skupštine BiH kao nezavisnog tijela policijske strukture BiH s ministrom sigurnosti BiH Draganom Mektićem održan je 29.6.2016. u prostorijama Ministarstva sigurnosti BiH. U ime Nezavisnog odbora sastanku su prisustvovali Žiko Krunić, predsjednik Nezavisnog odbora, Enes Obralić, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, te Ivana Lovrić, sekretar Nezavisnog odbora.

Ministar Mektić informirao je članove Nezavisnog odbora o trenutno najvećim sigurnosnim izazovima s kojima se suočavaju sigurnosne agencije, prvenstveno terorizmom te korupcijom. Napomenuo je da je pokrenuta regionalna inicijativa na teritoriji Zapadnog Balkana kada je u pitanju terorizam i krijumčarenje oružja. Poseban fokus stavlja se na preventivne mehanizme sprečavanja radikalizacije i jačanje procesa deradikalizacije.

Takoder, ministar je naglasio da će krajem augusta biti potpisan Operativni sporazum s Evropskim policijskim uredom (EUROPOL). Potpisivanje tog sporazuma podrazumijeva operativnu i tehničku saradnju s centralom EUROPOL-a.

Ministar Mektić osvrnuo se kratko i na trenutnu situaciju u Državnoj agenciji za istrage i zaštitu kada je riječ o suspenziji 11 policijskih službenika. Naglasio je kako je to kamen spoticanja te da daje svu potrebnu podršku da se što prije izade iz tog problema kako bi Državna agencija za istrage i zaštitu nastavila normalno funkcionirati.

Takoder, informirao je članove Nezavisnog odbora da se radi na novom Zakonu o policijskim službenicima BiH te da se, u saradnji s predsjedavajućim Vijeća ministara BiH nastoji poboljšati materijalni položaj policijskih službenika u smislu povećanja plaća i naknada koja bi bila u svrhu nadoknade za specifičnost posla koji obavljaju.

Zajednički je zaključak da Ministarstvo sigurnosti BiH i Nezavisni odbor kroz svoj rad trebaju zaštititi policijske agencije od političkih udara i uticaja kako bi mogli profesionalno i nesmetano raditi i boriti se protiv svih oblika kriminala.

4. Posjeta Graničnoj policiji BiH, 14.9.2016.

Sastanak članova Nezavisnog odbora Parlamentarne skupštine BiH kao nezavisnog tijela policijske strukture BiH s direktorom Granične policije BiH Zoranom Galićem, zamjenikom direktora Granične policije BiH Zijadom Srabovićem i načelnikom Uprave za administraciju

Granične policije BiH Mustafom Ovčinom održan je 14.9.2016. u prostorijama Granične policije BiH. U ime Nezavisnog odbora sastanku su prisustvovali Mato Jozić, drugi zamjenik predsjednika Nezavisnog odbora, Adisa Begić i Miroslav Škorić, članovi Nezavisnog odbora, te Ivana Lovrić, sekretar Nezavisnog odbora.

Rukovodstvo Granične policije BiH istaknulo je da im trenutno veliki problem i poteškoće stvara djelovanje jednog policijskog službenika koji na sve moguće načine, kako putem anonimnih prijava Državnoj agenciji za istrage i zaštitu i drugim institucijama tako i putem elektronskih medija, pokušava umanjiti ugled i značaj djelovanja rukovodstva, ali i same Granične policije BiH. Nezavisni odbor dao je podršku u vezi s ovim pitanjem, naglašavajući kako to ne smije ni na koji način da se odražava na rad i funkcioniranje Granične policije BiH.

Direktor Granične policije BiH naglasio je da je u toku reforma Granične policije BiH koja se radi u saradnji s Njemačkom saveznom policijom, a na čijem čelu je direktor Diter Roman. Naglasio je da se ovom reformom, između ostalog, želi sačiniti Pravilnik o unutrašnjoj sistematizaciji radnih mjesta kojim bi se tačno i precizno definirao opis poslova za svako radno mjesto. Također, reformom se želi postići i to da se smanji broj rukovodećih službenika, a poveća broj službenika na terenu.

Ponovo je naglasio problem kadrovske nepopunjenosti policijskih službenika te da u ovom trenutku nedostaje više od 500 policijskih službenika jer se konkurs za prijem novih policijskih službenika nije raspisivao od 2010. godine do sada kada je u toku konkurs za 50 kadeta u činu "policajac" i 20 u činu „mladi inspektor“. Pokrenuta je procedura i za prijem dodatnih 50 kadeta u činu "policajac". Također, direktor je istakao da se prilikom popunjavanja upražnjenih mjesta poštuje nacionalna struktura prema popisu stanovništva iz 1991. godine.

Dodatni problem je i što je smještajni kapacitet Akademije u Mostaru za samo 143 kadeta na tri policijske agencije u BiH. Međutim, od 1.6.2017. Akademija proširuje kapacitete na 300 smještaja.

Rukovodstvo Granične policije BiH se u razgovoru s članovima Nezavisnog odbora osvrnulo i na neophodne izmjene Zakona o policijskim službenicima BiH koje bi se odnosile na horizontalnu fluktuaciju policijskih službenika iz jedne policijske agencije u drugu. Također, ukazali su i na problem činovanja policijskih službenika gdje je gosp. Škorić predložio da se razmisli o uspostavi komisije na nivou Ministarstva sigurnosti BiH, pred kojom bi se na jedinstven način polagalo i po istim kriterijima vršilo činovanje svih policijskih službenika

policijskih agencija na nivou BiH. Osvrnuli su se i na preporuke Ureda za reviziju institucija BiH koje su istaknute u Izvještaju o finansijskoj reviziji za 2015. godinu.

Direktor Granične policije BiH Zoran Galić informirao je članove Nezavisnog odbora da su posredstvom Evropske komisije osigurali finansijska sredstva od 4 miliona eura koja će biti utrošena u opremanje graničnih prijelaza s videonadzorom i čitačima za registarske oznake tablica, što je od velikog značaja kada je u pitanju naplata prekršajnih kazni stranim državljanima.

5. Posjeta Direkciji za koordinaciju policijskih tijela BiH, 16.11.2016.

Sastanak članova Nezavisnog odbora Parlamentarne skupštine BiH kao nezavisnog tijela policijske strukture BiH s direktorom Direkcije za koordinaciju policijskih tijela BiH Mirsadom Vilićem i zamjenikom direktora Direkcije za koordinaciju policijskih tijela BiH Milom Jurićem održan je 16.11.2016. u prostorijama Direkcije za koordinaciju policijskih tijela BiH. U ime Nezavisnog odbora sastanku su prisustvovali Žiko Krunić, predsjednik Nezavisnog odbora, Enes Obralija, prvi zamjenik predsjednika Nezavisnog odbora, Nikola Džambas, član Nezavisnog odbora, te Ivana Lovrić, sekretar Nezavisnog odbora.

Direktor Direkcije za koordinaciju policijskih tijela istakao je da je trenutno u Direkciji popunjeno 841 radno mjesto (753 policijska službenika, 44 državna službenika i 44 zaposlenika), a Pravilnikom o unutrašnjoj organizaciji i sistematizaciji Direkcije predviđeno je 1.268 radnih mjesta (1.135 policijskih službenika, 74 državna službenika i 59 zaposlenika). Također, naglasio je da je u toku procedura odabira 55 kadeta, od kojih je 50 u činu "policajac" i 5 u činu "mlađi inspektor". Budući da Direkcija ima stalni odliv zaposlenih, uglavnom radi odlaska u penziju, ovakvom praksom zapošljavanja svake godine Direkcija bi bila u mogućnosti u potpunosti izvršavati zadatke iz svoje nadležnosti.

Naglasio je i da je na snazi i u praksi se primjenjuje Sporazum o međusobnom pružanju pomoći i operativnoj saradnji agencija za provođenje zakona na području Kantona Sarajevo koji je potpisan između sljedećih policijskih agencija: Direkcije za koordinaciju policijskih tijela BiH, Državne agencije za istrage i zaštitu, Granične policije BiH, Federalnog ministarstva unutrašnjih poslova – Federalna uprava policije i Ministarstva unutrašnjih poslova Kantona Sarajevo.

Rukovodstvo Direkcije za koordinaciju policijskih tijela BiH upoznalo je članove Nezavisnog odbora i o tome da svakodnevno sačinjavaju bilten dnevnih događaja u kojem sve policijske agencije u BiH kao i Ministarstvo sigurnosti BiH i Službu za poslove sa strancima informiraju o najznačajnijim sigurnosnim događajima iz prethodnog dana.

Također, uspostavljen je sistem elektronske razmjene podataka iz evidencija policijskih tijela i Tužilaštva.

Kada je riječ o komunikaciji i saradnji na međunarodnom planu, direktor je istakao da se posredstvom Direkcije za koordinaciju policijskih tijela BiH odvija saradnja s Interpolom, Europolom i Selecom. Naglasio je da je na zahtjev međunarodnih i domaćih policijskih agencija samo u ovoj godini zaprimljeno i obrađeno 7.112 predmeta, a koji su se odnosili na terorizam, korupciju, privredni kriminal, trgovinu ljudima, trgovinu oružjem i drogama i dr.

Direktor Direkcije informirao je članove Nezavisnog odbora i o tome da odlukama Vijeća ministara BiH Direkcija vrši fizičku i tehničku zaštitu osoba i objekata. Trenutno Direkcija štiti 27 osoba na nivou BiH, što podrazumijeva pravo na zaštitu 24 sata dnevno i u BiH i u inozemstvu.

Također, informirao je članove Nezavisnog odbora i o tome da je Vijeće ministara donijelo Odluku da se na lokaciji Zrak u Buča Potoku izgradi sjedište Direkcije za koordinaciju policijskih tijela BiH i za to osiguralo sredstva od 3 mil. KM.

Predsjednik Nezavisnog odbora Žiko Krunić se u razgovoru s rukovodstvom Direkcije za koordinaciju policijskih tijela BiH osvrnuo i na nemile događaje i pitanja eventualne odgovornosti za propuste u organizaciji osiguranja skupa u Memorijalnom centru Potočari 11.7.2015. Direktor je obavijestio članove Nezavisnog odbora da je ovaj predmet u nadležnosti Državne agencije za istrage i zaštitu.

6. Posjeta Državnoj agenciji za istrage i zaštitu, 28.12.2016.

Sastanak članova Nezavisnog odbora Parlamentarne skupštine BiH kao nezavisnog tijela policijske strukture BiH s direktorom Državne agencije za istrage i zaštitu Pericom Stanićem, zamjenikom direktora Državne agencije za istrage i zaštitu Đurom Kneževićem i Vahidinom Šahinpašićem, samostalnim inspektorom u kriminalističko-istražnom odjelu (KIO) koji trenutno privremeno rukovodi njim, održan je 28.12.2016. u prostorijama Državne agencije za istrage i zaštitu. U ime Nezavisnog odbora sastanku su prisustvovali Enes Obralića, prvi

zamjenik predsjednika Nezavisnog odbora, i Mate Miletić i Ljubomir Kuravica, članovi Nezavisnog odbora.

Direktor Državne agencije za istrage i zaštitu Perica Stanić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Enes Obralića, prvi zamjenik predsjednika Nezavisnog odbora, ukratko je obrazložio razlog posjete. Rekao je da je posjeta organizirana u skladu s Planom i programom rada Nezavisnog odbora za 2016. godinu, a s ciljem održavanja kontinuiteta saradnje s policijskim agencijama iz svoje nadležnosti.

Na pitanje članova Nezavisnog odbora rukovodstvo Državne agencije za istrage i zaštitu upoznalo je članove Nezavisnog odbora o trenutnim aktivnostima i rezultatima rada u oblasti privrednog kriminala, terorizma, ratnog zločina i ostalih pitanja u vezi sa zaštitom tajnih podataka iz djelokruga ove policijske agencije.

Direktor Državne agencije za istrage i zaštitu Perica Stanić naglasio je članovima Nezavisnog odbora potrebu da se što prije započne izrada Zakona o policijskim službenicima BiH. Istaknuto je da je zakon koji je ranije bio upućen u parlamentarnu proceduru i vraćen jer je imao više od 50% izmjena bio dobar te na osnovu njega treba donijeti novi.

Također, direktor je istakao da bi se donošenjem Zakona o policijskim službenicima BiH riješio i problem disciplinskog postupka, nadzora, ocjenjivanja i utvrđivanja odgovornosti policijskih službenika, a došlo bi do bolje subordinacije i koordinacije u radu policijskih službenika. U tom kontekstu neophodna je i izmjena Zakona o Državnoj agenciji za istrage i zaštitu čiji tekst prednacrtu imaju već pripremljen za slanje u proceduru.

Dalje je u razgovoru rukovodstvo Državne agencije za istrage i zaštitu informiralo članove Nezavisnog odbora da su općenito zadovoljni međuljudskim odnosima u samoj agenciji, ali da postoje sitni problemi u pojedinim regionalnim uredima koji će u narednom periodu biti riješeni.

Poseban naglasak i interesovanje članova Nezavisnog odbora bio je na neujednačenu zakonsku proceduru penzionisanja policijskih službenika u Državnoj agenciji za istrage i zaštitu u kontekstu zvaničnog stava Ministarstva sigurnosti BiH i Institucije ombudsmena za ljudska prava BiH, da se penzionisanje vrši na isti način kao u Graničnoj policiji BiH i Direkciji za koordinaciju policijskih tijela BiH.

Direktor je članove Nezavisnog odbora obavijestio i o pozitivnom pomaku u radu Državne agencije za istrage i zaštitu, a to je da prilikom lišavanja slobode javnih ličnosti nije više dopušteno snimanje i da se istrage i istražne radnje vode isključivo po pravilima ZKP-a BiH.

POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA

Rad Nezavisnog odbora pratili su i svim sjednicama prisustvovali predstavnici OHR-a. Sve sjednice Nezavisnog odbora pratili su zaposleni u Sektoru za odnose s javnošću Sekretarijata Parlamentarne skupštine BiH te predstavnici medija u BiH. Javnost se može upoznati s radom Nezavisnog odbora i putem akata koje je ovaj odbor usvajao i putem zapisnika, jer su objavljeni na internetskoj stranici Parlamentarne skupštine BiH. Na ovaj način osigurana je transparentnost rada Nezavisnog odbora.


POGLAVLJE V. ADMINISTRATIVNO-TEHNIČKA PODRŠKA RADU

Zajednička služba Sekretarijata Parlamentarne skupštine BiH je, prema Zakonu o nezavisnim i nadzornim tijelima policijske strukture u BiH, zadužena da pruža svu administrativno-tehničku podršku radu Nezavisnom odboru. Zajednička služba osigurala je potrebne uslove za rad Nezavisnog odbora angažiranjem stručnog osoblja, ali i osiguravanjem materijalno-tehničkih i drugih uslova za nesmetan rad.

POGLAVLJE VI. PREPORUKE I ZAKLJUČCI

Nezavisni odbor realizirao je većinu programskih aktivnosti planiranih u 2016. godini, a u skladu sa Zakonom o nezavisnim i nadzornim tijelima policijske strukture Bosne i Hercegovine.

Nezavisni odbor predlaže Parlamentarnoj skupštini BiH da usvoji Izvještaj o radu Nezavisnog odbora kao nezavisnog tijela policijske strukture u BiH za 2016. godinu.


**PRIVI ZAMJENIK PREDSEDNIKA
NEZAVISNOG ODBORA**
Enes Obradović

PRILOG: Tabelarni prikaz održanih sjednica i prisustvo članova Nezavisnog odbora u
2016. godini

**TABELARNI PRIKAZ ODRŽANIH SJEDNICA I PRISUSTVA ČLANOVA
SJEDNICAMA NEZAVISNOG ODBORA ZA 2016. GODINU**

[illegible]